



Broj: 01-96/13
Vareš, 27.03.2013. godine

Na osnovu člana 11. Zakona o ugostiteljskoj djelatnosti ("Službene novine Federacije BiH", broj:32/09), člana 14. Zakona o turističkoj djelatnosti ("Službene novine Federacije BiH", broj: 32/09), člana 41. Zakona o obrtu i srodnim djelatnostima ("Službene novine Federacije BiH", broj: 35/09 i 42/11), člana 24. Zakona o unutrašnjoj trgovini ("Službene novine Federacije BiH", broj 40/10) i člana 22. tačka 2. Statuta općine Vareš – Prečišćeni tekst, broj: 01-162/12, od 11.09.2012. godine, Općinsko vijeće Vareš na 6. sjednici održanoj 27.03. 2013. godine, d o n o s i:

ODLUKU

O IZMJENI ODLUKE O RADNOM VREMENU U ODREĐENIM DJELATNOSTIMA

Član 1.

U Odluci o radnom vremenu u određenim djelatnostima broj: 01-48/11, od 24.02.2011. godine, član 13. mijenja se i glasi:

„Duže radno vrijeme od propisanog može se odobriti:

a)

- 1) U dane međunarodnih (1. maj, Nova godina i 9. maj), državnih praznika (1. mart, 25. novembar) i na Dan općine Vareš;
- 2) Vjerskih praznika (Uskrs, Vaskrs, pravoslavna Nova godina, Božići, Bajrami);
- 3) Maturalnih zabava;
- 4) Svadbi;
- 5) Značajnih lokalnih vjerskih (Miholjdan, karneval, sv. Ana) i kulturnih događaja;
- 6) Brucoških večeri;
- 7) Proslave odbrane diplomskih, postdiplomskih radova i doktorata na visokoškolskim ustanovama i
- 8) Tradicionalnih svečanosti (Dan žena, Valentinovo).

- b) Za maturalne zabave, svadbe, kulturne događaje, brucoške večeri, proslave odbrane diplomskog, postdiplomskog rada i doktorata na visokoškolskim ustanovama, potrebno je, da ugostitelj najkasnije tri dana prije proslave, uz zahtjev za produženi rad priloži popratni (vjerodostojan) dokument iz kog je vidljivo da je određena zabava u pitanju.

Produženi rad u zimskom računanju vremena traje do 01,00 sat, a u ljetnom do 02,00 sata ujutro.

Rješenje o produženom radu donosi Općinski načelnik.“.

Član 2.

Ova Odluka stupa na snagu osmog dana od dana objavljivanja na oglasnoj tabli Općine Vareš.

**PREDSJEDAVAJUĆI
OPĆINSKOG VIJEĆA**

Zdravko Marošević

Odluka objavljena na oglasnoj tabli Općine Vareš 28.03.2013. godine.

OPĆINSKI NAČELNIK

Kovačević Avdija, dipl.pravnik

O b r a z l o ž e n j e

Pravni osnov za donošenje ove Odluke sadržan je u članu 22. Statuta općine Vareš – Prečišćeni tekst, broj: 01-162/12, od 11.09.2012. godine i Zakonima navedenim u uvodu Odluke.

Razlog za donošenje Odluke o izmjeni Odluke o radnom vremenu u određenim djelatnostima je taj što članom 13. Odluke nije jasno razrađena i precizirana oblast ograničavanja radnog vremena u smislu da, isti član treba izmijeniti i precizirati tako, da i u dane značajnih lokalnih vjerskih i kulturnih događaja, brucoških večeri, proslave odbrane diplomskog, postdiplomskog rada i doktorata na visokoškolskim ustanovama, te određenih tradicionalnih svečanosti, kao što je proslava „Dana žena“ ili „Valentinova“ ugostiteljski objekti mogu raditi duže i pružati usluge korisnicima koji su definisani kroz ovu izmjenju.

Donošenjem ove Odluke, a uz dosljedno poštivanje članova 13. i 14. Odluke, doći će do pojačane discipline obveznika prema Općini, a i provođenjem ove Odluke dolazi do rasta prihoda Općine kroz administrativne pristojbe.

Telefonskim razgovorom sa stručnim suradnicima za ovu oblast u općinama Kantona, utvrđeno je da sve općine imaju svoje Odluke o radnom vremenu u određenim djelatnostima, gdje je regulirana ova oblast za produženi rad ugostiteljskih objekata i manje-više su isti ili slični razlozi i kriteriji za produženi rad.

OPĆINSKI NAČELNIK

Kovačević Avdija, dipl. pravnik